



Inatsisartunut ilaasortaasumut uunga
Jens Napātōk
Partii Naleraq

NAKUUSA pillugu § 37 naapertorlugu apeqqutigineqartumut akissuteqaat

Asasara Jens Napātōk

Qujanaq apeqqutinut.

1. Aningaasat qanoq annertutigisut NAKUUSAmut atorneqarnikuuppat?

2019-imut aningaasanut inatsimmi 903.000 kr.-it NAKUUSAmut immikkoortinneqarput aamma 2020-imut aningaasat amerlaqataat immikkoortinneqarlutik. 2018-imi 898.000 kr.-it immikkoortinneqarput.

2. NAKUUSAp suliniutissatut innersuussutigalugit saqqummiussai Naalakkersuisut aallartissimavaat?

NAKUUSAp oqariartuutai ilaqutariinnut politikkimut nutaamut Isumaginninnermut Inatsisinillu Atuutsitsinnermut Naalakkersuisoqarfimmi maannakkut suliarineqartumut sulinermi ilanngunneqarumaarput. Aammattaaq NAKUUSAp Meeqqat Isummersorfiata oqariartuutai meeqqanut sumiginnakkanut iliuusissanut pilersaarummut aamma siunissami inuit peqqissuunissaannut suliniummi Inuuneritta III-mut ilanngunneqassapput.

3. Pimmassineq pillugu Naalakkersuisut sunik pilersaaruteqarpat?

Naalakkersuisut nalinginnaasumik pimmassinerup pitsaaliuinissaa ukkataraat.

Taamaalilluni meeqqat atuariannut meeqqanullu suli atualingitsunut pimmassineq pillugu atortussaqaareerpoq, nutaallu ingerlaavartumik ineriartortinneqarlutik:

- "Trin for trin" suliniut tassaavoq ilaatigut pimmassinermik pitsaaliuineq aamma misiginneqatiginninnermut siuarsaaneq kiisalu meeqqap inooqataanermut piginnaasaanik ineriartortitsineq. Atortussat ukioqatigiiannut pingasunut ineriartortinneqarsimapput: 4-nit 6-inut ukiulinnut, 7-nit 8-nut ukiulinnut aamma 9-nit 10-nut ukiulinnut. Atortussat Ilinniartitaanermut Aqutisoqarfimmi atorneqarsinnaapput.
- "Kammagiitta" paaqqinnittarfinni meeqqanut saaffiginnippoq aamma meeqqat atuarianni 1.–3. klassini, meeqqallu angajoqqaavinut saaffiginnippoq. Atortussanut siunertaavoq meeqqat akunnerminni atugarissaarnissaasa toqqissisimanissaasalu qulakkeernissaat, aamma meeqqat akornanni

02-04-2019
Suliap nr. 2019 - 7586
Akt. id. 10362531

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat
(+299) 34 66 66
E-mail: iian@nanoq.gl
www.naalakkersuisut.gl

pimmassinerit annikillisarneqarnissaannut iluaqutissat. Atortussat agguanneqarnissaat llinniartitaanermut Aqutsisoqarfimmit akisussaaffigaa.

- llinniartitaanermut Aqutsisoqarfiup "WiFive"-mik naleqqussaanera aallartissimavoq, taannalu pingaartumik 4.–6. klassinut saaffiginnippoq, tassani internettikkut aqqiagiinnginnerit pimmassaanerillu ajornartorsiutaasinnaammata.
- "Chat Paaralugu" toqqissisimanartumik isumannaatsumillu internetsersinnaaneq pillugu 1. aamma 10. klassinut atortussaavoq, tassunga ilanngullugu digitaaliusumik pimmassaaneq. Atortussat Red Barnet-imit aamma PiSiu-mit, kalaallit pitsaaliuineq pillugu siunnersuisoqatigiinnit suliarineqarsimapput. llinniartitaanermut Aqutsisoqarfimmi atortussat tamakku Iserasuaatikkut siammarternissaat pilersaarutigaat.

4. Meeqqanut unnuakkut angalaartartunut ornittakkanik pilersitsinissap qulakkeernissaa pillugu Naalackersuisut qanoq pilersaaruteqarpat?

Meeqqanut unnuakkut angalaartartunut ornittakkanik pilersitsinissaq kommuninit akisussaaffigineqarpoq. Taamaammat Naalackersuisut kommuninik oqaloqateqaqqaaratik meeqqanut unnuakkut angalaartartunut ornittakkanik pilersitsinissaq pillugu isummissappata pissusissamisuussanngilaq.

Meeqqanut unnuakkut angalaartartunut ornittakkanik pilersitsinissaq pillugu Naalackersuisut maannakkut kommuninik oqaloqateqarnissartik pilersaarutiginngilaat.

Tamanna siullertut pissuteqarpoq, meeqqat pillugit suliassaqarfinni eqqortunik sulisoqarnissaq sulisullu piginnarnissaat kommunit unammillernartimmassuk. Appaattut tamakkiisumik pitsaaliuiffimillu suliniuteqarnissaq Naalackersuisut ukkappaat. Ilaatigut meeqqanut sumiginnakkanut iliuusissanut pilersaarut suliarineqarpoq.

5. Unnuarissanik (Natteravne) sineriak tamakkerlugu, inersimasunik unnuakkut toqqissisimatitsinnaasunik, pilersitsinissaq pillugu Naalackersuisut qanoq pilersaaruteqarpat?

Unnuarissat nammineq kajumissuseq tunngavigalugu suleqatigiiffiunera pissutigalugu Naalackersuisut Unnuarissanik pilersitsinissaminut pilersaaruteqanngillat. Naalackersuisulli Unnuarissatut ittut nammineq kajumissuseq tunngavigalugu suliniutinik ingerlataqartut tapersorsorpaat.

6. Illoqarfinni nunaqarfinnilu suni timersornermi atortorissaaruteqanngila?

Timersornermi atortorissaarutinut tunngasut pillugit llinniartitaanermut, Kultureqarnermut, Ilageeqarnermullu Naalackersuisoqarfiup illoqarfiit nunaqarfiillu sorliit timersortarfeqarnersut ilisimatitsissutiginiuuat.

Illoqarfiit tamarmik nunaqarfiillu tallimat timersortarfeqarput.

- Kommune Kujalleq: nunaqarfiit qulit timersortarfeqanngillat
- Kommuneqarfik Sermersooq: nunaqarfiit arfineq pingasut timersortarfeqanngillat
- Qeqqata Kommunia: nunaqarfiit pingasut timersortarfeqanngillat
- Kommune Qeqertalik: nunaqarfiit 23-t timersortarfeqanngillat
- Avannaata Kommunia: nunaqarfiit 23-t timersortarfeqanngillat

Naalakkersuisulli eqqumaffigeqqaat Ilinniartitaanermut, Kultureqarnermut Ilageeqarnermullu Naalakkersuisoqarfik najugaqarfiit qassit sorliillu timersortarfiit pinnagit, timersornermi atortorissaaruteqarnerannik paasissutissaqanngimmat.

7. Naalakkersuisut illoqarfinni nunaqarfinnilu timersornermi atortorissaaruteqanngitsuni sanaartornissaminnik pilersaaruteqarpat?

Kommunimi timersornermut timigissarnermullu assigiinngitsunik neqerooruteqarnermut kommunalbestyrelse pingaarnertigut akisussaavoq. Timikkut tarnikkullu peqqinnissaq Naalakkersuisut pingaartitaraat. Taamaammat Naalakkersuisut kommuninik oqaloqateqarniarput, nunaqarfinni timersornermi atortorissaaruteqanngitsuni sunik pisariaqartitsisoqarnersoq paasiniarlugu.

Inussiarnersumik inuulluaqqusillunga


Martha Abelsen